

知
足
齋
文
集

年譜卷下

嘉慶四年己未

府君六十九歲正月初三日奉

上諭朱珪著來京供職欽此府君聞命卽行十七日

抵王莊得

高宗純皇帝賓天確音先遣弁馳奏云臣珪跪奏爲恭

慰

聖孝叩請 聖安事竊臣於正月十一日接奉

諭旨召臣還京見封面標用藍筆手掉心搖不知所答

因未奉有明文不敢冒昧謹將交印憑程日期馳

奏忍泣銜哀見星奔路十七日行抵王莊臣竇摺
差官回跪閱 批旨詢實

太上皇帝龍馭上昇膽裂呼天角崩投地欽惟

大行太上皇帝十全功德五福考終傳器愜心於昭在上

我

皇上純性超倫報天罔極竊聞定欲躬行三年之喪此
舉邁千古而欽萬世至于

郊壇

宗

社越綽行事禮有明文並行不悖也然而 天子之孝

不專以毀形滅性爲奇而以繼志述事爲大親
政伊始遠聽近瞻默運乾綱霽施渙號陽剛之氣
如日重光惻怛之仁無幽不浹刻刻以

上天之心爲心

祖

考之志爲志思修身嚴誠欺之介於觀人辨義利之防君
心正而四維張朝廷清而九牧肅身先節儉崇獎
清廉萬物昭蘇天佑民順自然盜賊不足平而財
用不足阜也臣早蒙

先帝特達之知擢遷中外舊侍

皇上承華之側親切光輪十載睽離五中鬱勃聲隨淚
湧忱豈言宣惟願我

皇上恒久不忘堯舜自任之心臣敢不隨時勉行仁義
事君之道二十八日詣

粹宮前痛哭叩頭行禮畢蒙

皇上召見於永思殿 命直 南書房管理戶部三庫
事務 賜

大行皇帝遺服四團龍補褂一件四開襯袍一件奉

旨著在紫禁城內騎馬具摺謝府君與五伯父早以敘
事之文爲士林所推有隱德潛行濡筆表章雖單

門之請必應素與侍御上海曹公錫寶至契曹公
臨終遺言誌銘必請朱石君先生爲之以先生知
我最深也其子江以爲請久未報至是日吾今乃
敢銘吾友矣旋得 旨曹公贈副都御史蔭其子
江七品官府君嘗從容爲

上言故大學士朱文端軾孫文定嘉淦之忠直蒙、特
恩並子其孫曾官府君自乾隆丙申入侍

今上于書房暨庚戌出授安徽巡撫調任廣東蒙 恩
時加 垂念屢頒 手札委曲周詳不啻家人父
子歷年弄藏積成寶軸計一百三十九件歲丙辰

卽裝潢爲六卷至是恭繳進二月初八日頒到

御筆小楷書御製詩二冊上冊 御題籤曰蒹葭遠目

題冊首曰錦鱗雅什下冊 御題籤曰山海遙思

題冊首曰秋水怡神並承 命恭跋畧曰臣以荒

落早事

聖主於承華毓德之日于今二十有四年矣

皇上稽古敏求十行俱下怡情吟咏百韻立成自丙申

至於乙卯中間臣奉 使閩浙皖粵違 講席者

十有餘年望遠寄懷爲臣而發者不下數十首不

管斯夕之符側也 親政之日首 召臣來京引

手失聲 孝思純篤蓋 至性逾於儒生萬萬矣

三接次將累年 賜臣諸作 一親選 御書裝

成二冊頒發到臣臣跼讀百番不覺涕滂而心動也竊思臣之蕪陋何足以當非常 眷注惟有此心不敢欺耳非堯舜之道不敢陳非詩書之言不敢述於大學義利之辨通鑑治亂之由天命呼吸可通民情憂樂無間反覆敷宣 心俞頤解不以

爲迂濶而遠於事情也詩言志志不違所謂 皇極之敷言是彝是訓於 帝其訓者也所謂大哉

王言一哉 王心者也然則豈獨臣一人一家

之寵榮蓋天下臣民凡有見聞者心悅誠服鼓舞
感化於無疆惟休者矣跋畢仍進 呈再 賜下
同跋者 成親王次韓城諸城兩相公皆曾爲總
師傅者也初十日 賜第一區於西華門外之前
宅衚衕十二日加 太子少保銜時開

實錄館奉

命充正總裁又

命充

國史館副總裁三

月初四日奉

命充經筵講官並具摺謝初六日

命偕左都御史後協辦大學士今任兵部尙書

長沙劉公權之戶部侍郎後任浙江巡撫江都阮
公元內閣學士今任步軍統領滿洲文公寧充會

試總裁官

上定本科中式進士額倍前數科榜發得史致儼等二百七人得士之盛與丙午庚戌同五月初六日

命教習本科庶吉士同拜命者工部尙書那公彥成也府君謝摺曰教之讀書勿以知能自足勵之敦品母以名利相矜初八日上任授書卽事句曰七十三人羣雅萃儲材應潤百圍松尋奉 命閱考試教習卷秋七月疽發於背府君力疾趨直無敢少暇八月二十三日 命管理武英殿御書處事務具摺謝二十五日以編修洪亮吉投遞書札

詩句書中語涉狂悖府君未卽呈出奉

旨詢查請交部嚴議奉

旨朱珪平日人品端正從寬改爲交都察院察議議上
降三級又奉

旨從寬留任九月扈從

大駕恭送

梓宮奉詣

山陵大葬禮成歸始漸愈十月初七日調戶部尙書時屢
奉

諭旨清釐漕政嚴禁浮收等弊外省俱以旗丁運費不

足需索州縣州縣不得不取諸民浮收遂難杜絕
於是漕帥請每石加一斗爲津貼費經戶部議駁
奉旨交有漕督撫議奏江督乃有上江加增增
銀下江加增耗米之請按其所增數較原徵銀米
上江加倍下江一倍有餘因摺內有上下江互相
仿照辦理之語事歸畫一似屬可行擬稿請旨
府君初亦畫諾奏有日矣思之不寐復到部與堂
司官面議之自爲駁稿內稱小民未見清漕之益
先受加賦之害等語奏上奉

上諭部駁甚是其後戶部雲南司議定嗣後凡事近加

賦一切議駁仰體

皇上損上益下之意奏請於進倉漕耗內加恩每年盡
出八萬石折給旗丁作爲貼費是年兩遇 覃恩
一以貤贈庶祖母李太夫人一以改官戶部貤贈
四伯父爲光祿大夫經筵講官戶部尙書加一級
伯母劉繼劉俱贈一品夫人府君官內外未嘗一
日廢書再典封圻十年歸司部務較外有暇退食
惟手一書孫涂自甲寅夏北歸今年乃自課之冬
仲涂入學報至喜甚丁卯同年惟紀曉嵐宗伯王
兼六方伯秉韜翁覃溪鴻臚數人適方伯入 覲

乃作丁卯同年會紀以詩十二月

命爲上書房總師傅具摺謝錫經以一品蔭生選刑部
廣西司員外郎

嘉慶五年庚申

府君七十歲二月錫經引 見奉

旨依擬用府君奏謝三月長蘆鹽政奏請每斤鹽價加
錢二文府君首發議以爲不可尋奏查蘆東鹽價
緣錢價過賤於乾隆三十五年及四十七五十三
等年奏請加價經臣部議覆均蒙 允准今復以
該商等舊欠新課並納奏請每觔暫加制錢二文

查蘆東積欠各款於嘉慶二年蒙 恩准將利過
於本帑銀二百六十餘萬兩全免又借領兩淮無
利銀一百萬兩奏明分限十年歸還本年正月請
將積欠銀展限又荷 聖恩展限三年節次蒙

恩商力自漸臻寬裕且查屢次加價之請皆因錢價
過賤各商以錢易銀未免支絀今錢價漸昂更未
便以積欠六百餘萬兩爲詞復行瀆請所奏毋庸
議奉

旨部駁甚是依議欽此閏四月廣東藩司奏請將濱海
沙坦地畝照上中二則民田一律陞賦府君又以

爲斷不可行查沙坦一項俱海濱淤洲之地坍塌
靡常小民墾築多費工本一經海水衝刷工本悉
歸烏有是以照下則田減半之例每畝徵銀一分
二釐米七合七勺其額外山陬海浦土淺力薄之
地照斥鹵則例每畝徵銀四釐六毫四絲米四合
二勺八抄定賦本屬至輕原使小民得有餘資皆
肯盡力開墾被水衝刷尙可另行承墾以期復理
生業非民田永爲陞賦者可比今該司請照上中
民田一律增賦是與沿海居民計此微末之利殊
非政體且小民苦於交納將來報坍請豁之案勢

必紛紛而至此外或別有漲溢之地亦不肯復行
認種名爲陞賦或轉致編徵舊額漸有虧缺於裕
課寧民之道兩無裨益議定同部諸公皆以爲然
遂上之得

旨允行第二曾孫甘霖生八月兼署吏部尙書九月孫
涂鄉試被擯蒙

恩取闕原卷以其文理尙屬清順

特旨賜爲舉人一體會試奏謝次日以失察輿夫與門
兵爭毆事奉

旨革去太子少保銜不必管理三庫事務復以彭文勤

公下直將至西華門墜馬昏眩府君與同行命人
舁其輿入西華門乘坐出奉

旨交部議處議上降三級蒙

恩留任三月間奉

上諭前因粵東省緝捕洋盜歷任督撫司道等捐廉成
造米艘於巡緝甚爲得力著該部查明分別議敘至
是部議以府君前任兩廣總督捐銀二萬兩以上
准加三級九月二十八日奉

旨朱珪著加三級抵前降三級留任欽此冬 賜正珠
圓顆重六分

嘉慶六年辛酉

府君七十一歲正月四日陪祀

祈穀壇五鼓與長沙劉太宰同墜甬道傍坎下致傷左脰

蒙

恩命蒙古大夫御前侍衛富成來診治又派乾清門

侍衛慶惠並遣懋勤殿首領徐文看視據富成

云惟環跳骨微蹉業已對平疼痛稍輕初九日又

差首領徐文看視並齋賞克食十二日奉到

硃諭適纔經畧報到在漢陰地界誅賊千餘名生擒及
解散者又千餘名大約賊勢春月可平近日痛止否

上為厘念欽此覆

奏伏念

聖主宵旰厘憂為民請命誠無不格事機順利賊平當
在暮春矣又蒙 垂詢臣病體 恩賞克食臣肢
體稍能勉強運轉可望日逐痊減十七日又 遣
徐文看視並 賞克食尋 奏臣叩頭服食訖神
爽頓加恭惟

皇上至仁至誠念三冬風旱為民默禱徧於羣神
格

天茲於十六日卯刻紛綸好雪達晝竟宵直至十七日已

刻未已消厄解災發生二麥天心如此佑順餘匪
計日蕩平信而可徵惟望

皇上益加緝熙宥密純亦不已也二十八日又遣徐
文齋到

硃諭瑞雪頻霑融化入地於農功大有裨益昨接叅贊
德楞泰奏報剿盡高家營一股殲戮高二首逆漢江
北岸漸可肅清二十八日勒保奏報殲斃首逆徐萬
富殺賊二千餘名保住嘉陵北岸餘賊無幾三省情
形未知二三月間可蒞事否近日春景暄和雨澤順
序想氣體益佳矣欽此並齋賞奶餅克食尋奏

臣叩領含咀精神倍爽伏思高家營一股賊匪最爲兇悍仰賴

天威殲魁洗蕩而嘉陵北岸徐逆又復駢誅各路官兵聞而爭奮則平利紫陽川省東北鄖房之間自可披榛掃蕩捷報頻聞也二月初九日又遣徐文齋克食來賜並奉

硃諭川北又報殲斃首逆王士虎并賊衆千餘計三省之賊不滿二萬其中脇從者居其大半一兩月之內究竟可蕺事否頗覺焦急欽此尋奏以臣看來事已垂成猶煩

聖慮全賴

天佑人順以期蔽功

皇上救民若渴黜言利而爭德心至誠而不格者未之有也至臣病體再養兩旬似可勉強行走矣十六日又蒙 恩差太醫院判沙惟一內閣中書富綿診視尋 奏臣將四旬來逐日情形一一告知該院判隨診臣脈據稱六脈和平按之有力內疾全清食解照舊現服參麥飲最爲合宜不必另換方藥再看兩腿伸屈自如惟左膝原傷一處時發酸痛此宜從容調養候其漸愈不可性急勉強行走

致有疎失等語竊臣久違 面覲蒙

聖恩存問八九次恨不匍匐循墻一覲

天霽現惟加意調攝不拘何日稍可支持卽當趨詣

闕廷恭謝

聖慈二十六日徐文齋到

殊諭自啟蹕後途中幾務順適春日暄和現今楚省徐
苟二逆尙在二竹奔竄川北新添高馬二逆川東賊
數甚多陝省漢江南岸龍逆大股亦有五六千人漢
江北岸伍逆冉逆亦有二三千人合計賊數總在二
萬之內而脅從者十分之六七此時兵將實爲奮勇

人人俱思滅此朝食可恨賊衆奔逃愈急我兵總不能追上所以不能迅速成功昨見彭元瑞得知已能強步月初即可進朝中心實深欣慰欽此尋

奏恭讀

聖諭仰見我

皇上誠孝感孚

天人助順看來賊勢就衰成功指日可以仰慰

聖心也至臣病體一切就痊惟步履須人扶掖跪起不能自主經徐文目睹情形六七日後但可支持卽行銷假面叩

恩慈二十九日首領王進忠齋到 克食並奉

硃諭適接額勒登保奏報生擒首逆王廷詔文報各路
俱有斬獲於一兩月內可以戡事等語再提督衙門
奏知掃雪項下餘出銀一千餘兩已命歸入 文昌
廟工動用矣爲此諭知欽此尋 奏仰惟我

皇上廟謨耆定將帥同心殲厥渠魁勢如破竹大功指
日普海臚歡忭頌實殷望 光加額又蒙 示知

發帑完成 文昌廟工人天同慶查現在據報收
到各處願輸銀有九千餘兩工已修起一半再蒙
頒帑工程更易矣至臣叠荷 恩施感深肌髓昨又

蒙傳 諭不必拘定初二日進朝臣刻下惟步履
跪起不能離人而逐日情形不同一俟稍可支持
不拘何日卽當匍匐 宮門謝 恩面
聖也清明

聖駕展謁

東陵禮成旋 蹕府君以病在假未能恭迎三月十九日
小愈趨 朝有詩云敢戀名浮貪未已自知 恩
重死猶稽二十五日扈從謁

裕陵行釋服禮中途傳

旨朱珪步履尙艱二十九日不必勉強上

陵府君以受

先朝知遇恩深不敢安二十八日仍從謁

陵二十九日隨

駕釋服禮成四月朔回京尋奉命充會典館副總裁

是年

駕始幸圓明園府君隨往寓澄懷園署其額曰退思齋
向來總師傅之直園也三伯父之長孫澄成進士
改庶吉士作詩紀

恩示子孫五月初九日文昌廟新工成

上親詣行禮府君祇肅將事以賜珠爲甘霖聘汪氏

刑部員外郎太倉汪君彥博女六月自朔至晦大雨竟月平地水深數尺府君入直行水中病股未全痊受濕復作痛脹自是步履日就蹇滯府君恃內養功深又平生不喜服藥恐誤投致損故瘀血凝而不化元氣亦漸耗矣秋園中雜蒔花木甚盛下直卽移坐花間賦詩遣懷九月第三曾孫香林生十月朔 坤寧宮 賜餽食肉作詩恭紀注云每歲二月十月朔 賜食者再十一月 賜黑狐端罩同拜 賜者七人柵林以痘殤十二月經婦王氏歿歲將除 賜

御書大福字荷包如意等件是年恭遇 覃恩命錫經
以本身妻室應得封典懇封庶祖母謝爲太宜人
府君事庶母盡禮自乾隆癸巳卽迎居山西藩署
相依數十年暨老奉養有加每下直必先詣問安
視飲食問寒暄久之不倦 上方珍賞暨交游饋
遺必先以奉歲時令節及誕辰必拜跪如子之事
親家居從不演劇爲庶母設帨特開宴召梨園以
佐舞綵嘗謂經等曰吾早年失恃未嘗一日盡孝
於母今老矣每念顧復之恩耿耿於心無以自慰
因思古人祭必有尸仿之以伸吾罔極之慕於萬

左言
一汝等弗議我爲過情也

嘉慶七年壬戌

府君七十二歲正月

上以

先帝三週年謁

陵初四日府君迎 鑿烟郊道中口占有句云去年今日

噴深淵匝歲支離患未痊上元 賜宴自是歲與

宴直園東軒三楹有古藤歲久庭圯藤亦漸枯二

月府君重葺之構花架藤蔭覆齋作復古藤書屋

記 殿試充讀卷官一甲三人元和吳君廷琛山

陽李君宗昉寶應朱君士彥昔作鄭孝廉振圖爲
兄割股詩以爲古人所無至是讀宋景濂浦陽人
物記載鍾明疾弟滿刲股療之復以詩識府君每
謂吳庶子肅曰君才富然詩非徒作也某詩每首
皆有一分血淚在蓋平生於忠孝節烈事必以表
揚自任長言之重言之非獨於鄭君也七月扈

蹕灤陽抵承德後蒙 賜食如意洲 賜鹿肉十次

上有作皆承 命和韻又 命將途中諸詩進呈八月
二日奉

旨朱珪著以戶部尚書協辦大學士仍加太子少保銜

欽此府君謝摺畧云豈有嘉謨嘉猷入告我

后於內勉期無欺無隱仰惟上質於

天隨

駕至木蘭進哨行圍沿途 賜宴 賞賚便蕃九

月下旬回京二十八日到閣至翰林院拜 廟有
句云題名二十四科陳又云四登瀛島仙班甲注
云戊辰乙未己未至今凡四次到翰林院十月直
西園 召對蒙

恩詢上園耶准於初十日後擇吉祭掃蓋以蒙
恩協辦當告墓也

聖慈曲體人情教忠教孝真異數也二十四日 賜貂

裘又 賜綠押縫靴十一月 命閱八旗恩監生
卷入貢院歲除拜

御書大福字各賞賚如例

嘉慶八年癸亥

府君七十三歲正月與 重華宮茶宴以平定教
匪志喜聯句和詩拜 賜初十日三伯母盧太恭
人卒二月

聖駕謁

府君奉 命留京辦事三月奉 派閱大考翰詹卷六

月奉

旨兼翰林院掌院學士並以原銜充 日講起居注官
至是府君凡五到衙門矣七月

聖駕幸避暑山莊府君奉 命留京辦事九月扈從謁

西陵恭送

孝淑皇后梓宮奉安禮成十月倉場侍郎奏請預徵錢
糧四五十倍准作義監生終身免賦府君自作駁
稿云國家正供自有常經而名實尤關體要取民
有制蠲免有因從無預徵數十倍而 賜復終身
之事於名不正於實有傷枉尋直尺殆有甚焉准
作義生實乖名器何所取而爲此其說斷不可行

奏上如議此與己未庚申三駁稿府君自書之猶存

戶部也歲除 賜

御筆福字並頒賞如例

嘉慶九年甲子

府君七十四歲正月二日 坤寧宮 賜食祭肉

與 重華宮茶宴以毓慶宮聯句和詩拜 賜上

元園中 賜宴以幸翰林院先期晉太子太傅二

月初三日

上幸翰林院聯句 錫宴禮成用乾隆九年故事以唐

張說詩五律一首同諸王大臣翰林三十八人分

韻分賦府君得誦字又恭進四言詩冊用十二文

全韻

御筆書天祿儲才額摹刻懸院中以 墨跡賜藏爲家
寶敬鈎勒懸於 賜第之堂先是府君在浙與皖
時次第爲五伯父刻古文三卷獨詩稿未付梓他
人又不能辨向十一弟錫庚索之久矣辛酉春得
而校之今年弟自山西梓十九首寄京府君曰此
烏足以盡吾兄哉乃亟刻全編序曰笥河先生之
詩文蓋出入於馬班杜韓而自成一家言者也其
學包經史子集之富而有兼人之才筆其意所欲

爲卷軸性情無不曲赴腕下某與先生同筆視者
四十年中間別離者不過十年耳先生之遺草幾
於龍蛇蟠屈又參以六書然某於先生歸道山後
辛酉之春卧床簀者兩月有餘夜半爲兄校讎無
一字不能辨識者嘗自嘆使後死無某則先生之
集其不爲別風淮雨所誤至於不可讀者幾希此
則同心同氣靈光所通思格鬼神有不可以常理
測者也某旣鈔先生之詩起甲子終辛丑三十八
年成二十卷又附筭河古文鈔三卷讀之已足見
其全鱗般甲矣還視某之詩文平平如道家常言

也然某所不敢學先生者耳目雖同性情各得二
宋二蘇亦有不能強合者若比而同之是偽也非
誠也必有真知之士能辨之者所謂同而異異而
同者在是矣秋七月 命暫署管理國子監事務
冬十月預訂劉石菴相公新年八十六紀曉嵐宗
伯八十二王惺園相公八十一徐樹峯宗丞八十
府君七十五於開正作五老會賦詩五章二十四
日以詩代東石菴相公而公已無疾逝矣前約不
克踐府君受知文正公深與相公晚年尤暱哭以

詩歲除 賜

御筆福字並頒賞如例

嘉慶十年乙丑

府君七十五歲正月與重華宮茶宴以職貢國
聯句和詩拜賜初六日改約德潤齋瑛冢宰時
年七十八作五老會於知足齋越四日而惺園相
公逝矣昨冬召見問近作詩耶對曰臣未敢一
日廢此事又問有若干卷對曰臣自少至老共裒
緝得三十餘卷門生阮元爲臣選刻二十卷
上曰可進呈請敘對曰臣不敢當繕寫恭呈

御覽

年譜

卷下

二十

上曰卽以刻本來隨恭進是月二十六日奉

旨朱珪著補授體仁閣大學士管理工部事務
上以是命也遵

先帝遺詔

命叩謁

裕陵謝恩是日發下

御製題石君大學士知足齋詩集用集中嘉慶元年七
月旬日內連奉廷寄

恩旨命珪來京將授爲大學士恭紀四首詩韻曰丙歲承
恩手勅傳待時

考澤敬敷宣科名翰苑推元老學業綸扉倚大賢定卜

示慈十載久執經蒙誨卅年先調羹贊化資師相一德臨

民體

昊乾三天受業邁桓榮廊廟班聯冠六卿黃閣新春開輔
座絳帷昔日共書城德崇益勉虛能受任重彌思寵
若驚名選金甌早

簡在亮工熙績總無營新築沙堤董庶官七旬碩彥願如
餐惟公常勗爲君要顧我深知莅政難無欲神全三
壽永有容德大九霄寬蒼生佇待施霖雨啟沃推誠
求治安健筆千章溷不緇雄詞夙荷

聖人知日宣三德新宣室時講五箴舊講帷學杜師韓言
有物說經詠史論無私精研六義諧風雅游夏誠難
贊一辭府君敬次

元韻恭和四首又叩謁

裕陵仍次

元韻四首序云欽惟我

皇上好學日新光謙天濟次臣紀

恩之韻

題臣知足之詩以爲繼定志於

純皇仍宅揆於

先聖手揮序弁豫 授宣麻極儒臣特達之知爲千載
無雙之遇臣伏讀

高宗純皇帝御製沈德潛歸愚詩集序曰人臣私集自古
無御序例德潛晚達而受知者惟詩夫非常之人然後
有非常之遇德潛受非常之知而詩亦今世之非常者
故以非常之例序之此真曠古之盛事也按

序作於乾隆辛未小除夜時德潛官爲侍郎明年致仕其
後加銜止於秩宗而

恩眷衰於耄及從未有

兩朝榮遇 一德作孚如臣於今日者也二十七日謝

恩奏明卽日起行二月初三日回京初四日請

安卽趨侍 坤寧宮餼祭肉是日偕河間紀曉嵐參知

同年同上翰林院奉

旨朱珪已補授大學士著充會典館國史館正總裁三
月六日 命與戶部尙書今任協辦大學士大庾
戴公禱亨吏部侍郎滿洲恩公普戶部侍郎滿洲
英公和充會試總裁官得士胡敬等二百三十五
人府君凡三典春官而所偕阮公恩公皆二十年
內手取士也端午 命諸王大臣內翰於澄虛榭
觀龍舟旋以奉 命帶管 二阿哥師傅不應具

摺謝 恩退出 上書房七月

上東巡 盛京祇謁

祖陵

御製盛京頌一篇於八月二十七日報到奉

旨交看府君奏謝九月初一日准 廷寄八月二十六

日奉

上諭本日朕於盛京清寧宮祀

神禮成吉事有祥茲將

神糕六盤寄京此內二盤一著賞給成親王保寧朱珪一

著賞給祿康費淳長麟俾得均霑

福惠將此由三百里諭令知之欽此具摺謝初三日頒

賜鹿肉二十一日迎

駕烟郊 賜堪達漢搬指時第四會孫生卽名之曰貫

林以寓桑弧之意恭進詩冊用毛詩風雅頌爲五
言四十章 賜蟒袍一件冬奉

旨大臣七十以上賜馬者如乘馬不便卽坐椅轎進內
賜黑狐毳袍歲除 賜

御筆福字並頒賞如例是年二月经所生女歸江西萍
鄉劉元恩已酉探花吏部右侍郎劉君鳳誥子十
一月姪孫澍以州判分發廣東澍從府君內外同

居三十餘年作詩送之意甚惻然

嘉慶十一年丙寅

府君七十六歲自昨臘感冒風寒時發痰嗽步履
日形蹇滯入春肝火上衝右目微昏漸覺蒙翳正
月四日 重華宮茶宴以書福聯句入宴大臣例
得 御前恭和 御製詩元韻二首是時奉

諭不必面交上元、賜宴園中十八日 召見蒙

垂問病體並細詢家事及曾孫輩乳名府君有句云眠
食

咨詢大健否孫曾覩縷小名通二月初四日 坤寧宮

賜餽

上謁

陵駐蹕盤山靜寄山莊府君未與扈從前期 召對

上云汝火盛朕敢鑿後無事可往古刹叢林中游覽散

懷送

駕後於十七日赴西山二老莊呂村掃墓次日卽取道
灰厰過石佛至戒壇觀活動松九龍松度羅喉嶺
至潭柘錫經與從弟錫庚姪涂隨往府君作詩命
涂書之以贈寺僧二十五日烟郊迎

駕召對有詩云杏緋淡如雪青松綠如繖升階跽前席

天咫近窺管 清問居游佳山營莫籛篡敬陳清明
暇三日春妍煖西山畢掃除古刹陟町墮戒臺松
絕奇潭柘泉可澣

主恩賜休沐養病暫游行官事幸無曠逸興得蕭散

霽顏若俞可借樂民敢緩四月朔門生牛農曹坤邀
游棗花寺索觀拙菴紅杏青松卷題者甚夥王漁
洋朱竹垞查初白皆有手跡此卷康熙庚午作百
二十年物矣府君題詩卷尾端午 命於澄雲軒
觀龍舟錫經以論俸推陞戶部貴州司郎中引

見奉

旨依擬用府君奏謝邀諸同志刻唐權文公文集七月
二十二日

上幸避暑山莊八月頌 賜鹿肉十六日詣西山二老
莊呂村省墓府君仍乘馬游山孫涂侍旋奉

旨添派留京辦事九月十八日赴南石槽迎
駕錫經侍 召對時奏請乞休

上曰待汝八十當爲汝壽奏臣於戊辰年重赴瓊林宴
時年七十八歲當乞休前大學士張廷玉王杰俱
七十八歲乞休

上曰且到彼時再看府君有句云違 顏幾兩月迎

翠官道旁石曹一程近咫尺仰清光臣袞恐隕越
兒侍謹扶將恩深敢戀職眇跛勉循墻矢願七
旬八脫屣歸井鄉二十日命大司農戴公賚
賜玉鳩杖並發下

御製詩云憶昔丙申年三天從函丈經學溯淵源史傳
示直枉身心受益多識見資開廣舊承講論功今賴
絲綸掌鶴髮望飄蕭丰神倍清爽始近下壽旬康彊
久培養健步固未妨視履應策杖入朝領班聯佳話
羣欣仰廊廟多老臣啟沃善日長碩彥冠瀛洲純嘏
期頤享府君恭和

元韻繕冊進呈又作紀

恩詩云扶鳩上 殿陛謁覲承 清光自愧眇不辨視

履今考祥 香案三十年親切侍 紫皇戀 恩

慙勇退自矢辰夏長解職得休暇忠告朝朔望最
哉貞晚節黃花揚芬芳旋奉

旨以天氣漸寒朱珪俟日出後入直每遇臨幸離宮不
必隨來卽御門勾到奏事日期俱不必侍班問二三
日入直書房候召對並傳 諭亦不必謝恩十月朔
傳 諭不必到 坤寧宮餽肉頒 賞背燈肉神
糕到家府君於神武門外叩頭謝 恩初六日恭

值

萬壽傳 諭朱珪自揣精力能否入宴不必勉強敬

奏初六正日臣詣 正大光明殿前行 慶賀禮畢

仍趨赴同樂園與宴其前後數日不能隨班侍宴

十五日 賜鹿肉府君以 賜鹿分送徐樹峯宗

丞翁覃溪鴻臚兩同年爲明歲丁卯重赴鹿鳴宴

之約系之以詩嗣後每 召見則預定下次入內

召見之期二十三日 召對以十二從弟錫爵調補

江寧府知府奉

旨褒嘉並 諭作書以家戒勗之奏謝并作詩寄錫爵

十一月二十七日入直是日嚴寒朔風府君於

召對出至 乾清宮階下忽痰湧眩暈不省人事時
上將御座引見 御前大臣丹貝勒恐府君愆儀命太
監等設法扶出太監等卽用木橈自月華門內將
府君舁出歸家

上遣侍衛帶領醫官來診視旋經領侍衛內大臣叅奏
交部嚴議部議革職三十日奉

恩旨念其衰病趨直一時昏迷從寬留任並賞假兩月
俾得在家調養俟春和氣暖再行銷假

聖恩高厚體恤矜全無微不至府君感激涕零作詩自

訟具摺 奏謝府君自粵東病中聞三伯父訃中
哀復發咯血症神氣大損恃元功調養精神稍復
已未疽發於背時值門生洪亮吉投書不敢求假
每下直膿血沾濕衷衣辛酉跌傷左股仍倚內養
復起然自是行步濡滯兩年來行必以人旣以中
寒肺氣不舒又肝脾火盛喜食生冷以致多痰不
孝等旁觀見病體日增深切隱憂府君獨居深念
自侍書 潛邸至 臨御凡三十一年蒙 恩置
諸左右倦倦不敢卽求退而於周任陳力之義老
子知止之誠未嘗一日忘早年卽顏齋曰知足每

與賓客門生屬吏詳述 國恩以不能報稱於萬

一爲憾不孝等見飲食漸減精神大遜於前以節
勞請府君尙每日於丑寅時卽起坐外軒賦詩一
二首問病者猶以神智不亂相慰十二月初二日
作芻獻詩云 天道神難測民心惟一中知人可
安衆 居所自持公 好惡無偏黨江河日蕩平
昊穹鑒信順三寶一精誠手書草稿蓋絕筆也是日
五伯母聞府君病且將從子宦山西同適翁寡女
來視府君位至三公事嫂益恭每來必躬迓至門
導看屋前後所種花進飲饌唯謹至是不能前迓

猶令人烹石花魚以進適翁姪女見府君病劇哭
不能成聲曰叔父身後誰更憐而恤我府君亦爲
泣然初四日

上命遣軍機章京康紹鏞帶領醫官來診酉刻大司農
戴公面奉 諭來家細看病勢府君於床前叩頭
恭謝坐語移時繕具謝摺擬於次早遣錫經恭遞
至夜半交初五日子正後痰覺漸盛氣益微弱溘
然坐逝事 聞奉

上諭大學士朱珪持躬正直砥節清廉經術淹通器宇
醇厚蒙

皇考高宗純皇帝特達之知由詞垣補授道員洊歷兩司

內用爲翰林學士

特命入直上書房朕講貫詩文深得其益嗣以卿貳出任
封圻有守有爲賢聲益懋迨擢至正卿

皇考卽欲用爲大學士朕親政後召令還朝在南書房儻
直有年簡任綸扉深資啟沃凡所陳奏均得大體服
官五十餘年依然寒素家庭敦睦動循矩法洵不愧
爲端人正士倚畀方殷本年入秋以來因患病稍久
氣體就衰朕優加眷念賜杖賜輿時加存問朱珪感
戀彌殷時時力疾進內朕鑒其誠愀特行給假兩月

俾得安心調養叠遣御醫診視真得就痊正擬日內親至伊邨宅視疾茲遽聞溘逝深爲悼惜於初六日親臨賜奠已派總管內務府大臣阿明阿賚賜陀羅經被並著先派慶郡王永璘帶領侍衛十員前往奠醑追維舊學良用軫懷著晉贈太傅入祀賢良祠賞給內庫銀二千五百兩經理喪事其任內一切降革處分悉予開復所有應得卹典著該部察例具奏欽此是日戌時大殮初六日辰刻

聖駕親臨喪次坐奠三爵痛哭不已既回宮卽奉

上諭昨因大學士朱珪溘逝業經降旨加恩因思乾隆

年間惟故大學士劉統勳蒙

皇考高宗純皇帝鑒其品節

賜諡文正易名之典備極優隆顧劉統勳於署總督任內

曾經獲咎褫職復蒙

皇考施恩錄用至朱珪立朝五十餘年外而敷歷督撫內

而洵直綸扉身躋崇要從未稍蹈愆尤絕無瑕玷靖

恭正直歷久不渝猶憶伊官翰林時

皇考簡爲朕師傅爾時朕於經書已皆竟業而史鑑事蹟

均資講貫其所陳說無非唐虞三代之言不特非法

弗道卽稍涉時趨之論亦從不出諸口啟沃良多揆

諸諡法實足以當正字而無愧毋庸內閣擬請著卽
賜諡文正本曰朕親臨奠斂見其門庭卑隘清寒之
况不異儒素瞻念遺風愴懷未已著於本月初九日
由內務府備辦飯桌派二阿哥前往代朕賜奠俟殯
送時派慶郡王永璘前往祖奠目送以示朕眷懷舊
學哀榮備至之至意欽此並發下

御製臨故太傅大學士朱石君第賜奠抒痛得十二韻
丙歲從函丈相依三十年清風常晉接正誨日敷宣
先帝褒忠直百僚仰俊賢贊襄期永弼啟沃願長延抱疾
猶趨侍養病真速痊忽驚千古別難遣寸衷悃攀馭

珠邱表騎箕絳闕邊棄子辭禁苑隨

聖麗霄躔德化銘心久良猷篤志堅半生惟獨宿一世不
貪錢述實五言挽抒悲三爵連臨喪虛設醴痛結淚
傾泉

命南書房翰林黃鉞敬錄於初九日來靈前焚之是日
皇次子奉

命來供飯奠酒

上每日召對諸大臣卽詳詢府君病中情形並問臨終
有何遺言諸臣以每日仍作詩對

上曰作何題目奏見其絕筆有芻獻一首

上云芻獻是對朕之言他人何足以當此卽其遺摺也
命以手書草稿進並 詢年例應貢冊頁向有跋詔
亦著照舊呈進先是府君敬書 御製黃河改道

記治舊河記二篇

御製國朝宮史續編序一

篇

御製詠左傳詩一百首裝潢三冊俱恭撰

跋語預備年底進呈至是與芻獻詩稿一同恭呈
御覽十九日禮部尙書承恩侯恭阿拉奉

命諭祭讀祭文曰三公望重經邦資篤棊之忱一德謨
明典學念交修之益治國必本於正心誠意不愧名
臣事君務引於當道志仁端推碩輔遽傷彫謝式展

馨香爾原任大學士朱珪學茂儒宗材宏國器窺天
人之奧闡性命之微經術則漢博宋精宏通而不拘
門戶文章則杜詩韓筆雄渾而足式輪轅廉隅早勵
夫官箴雍睦克垂爲家範備古哲懋修之選受

先朝特達之知拔諸詞曹試以吏事宜猷六察進秩兩司
總茹檠而飲冰洵矩方而繩直旋膺

內召復廁清班勤侍從於鰲坡端楷模於鶴禁朕方潛宮
毓德講席稽文每懷日月之就將深得切磋之裨補
屢持使節登掌文衡以貳卿而出任封圻閱十載而
累叨遷擢有爲有守無僞無私心欵欵以効忠政優

優而著績凡此靖共之素久蒙

簡在之隆親政以來勅幾時必瞻言良輔馳詔還朝厯台
斗之清嚴直內廷之密勿欽承

考志晉長官聯端席槐扉兼銜水部維秘書省爲儲才之地
俾耆儒領華國之英服官五十餘年無纖毫之玷缺
弼予三十一載實啟沃之宏多非堯舜之道不陳廣
颺比美以臯夔之責自任倚賴良殷乃自今秋稍形
末疾覺艱步履念力趨承賜杖以便其行錫輿以安
其體寒威益迫暮景方適爰給假以攝調時遣醫而
存問深期痊可靡釋眷懷正思展視於拖紳詎意驟

聞夫遺疏老成長逝震悼難名亟遣親藩肅陳奠醑
旋移步輦躬酌帷堂優資帑金潔齋經被崇階晉贈
秩祀光躋易名以表初終覈實允推文正絲言特賁
竹史增輝申命子臣代致蘭肴之供仍咨朕弟載臨
柳絮之移哀榮旣沛以殊恩安侑昭夫彛典於戲
經帷懷舊學儀型宛覲於目前綸閣緬嘉猷忠讜難
聞於身後想騎箕之未杳凝望霄躔悵歸鶴之終虛
摘詞雪涕尙其來格歆此苾芬是日戴大司農來題

主二十一日發引 慶郡王奉

命來靈前祖奠目送柩行寒家墜地負庚面甲本月二

十七日交立春節爲丁卯年庚方值三煞甲方值
太歲於形家言大不利遂卜於二十五日卯時合
葬府君於呂村之阡全椒吳庶子鼎作誌銘藏於
窆明年丁卯春立石墓前恭刻

御製碑文曰朕惟中朝耆宿嘉謨資啟沃之賢元老鈞
衡舊學緬贊襄之益念前修之粹懿倚昇方殷惜大
雅之淪徂眷懷未已典崇勒碣績茂紀阡爾原任大
學士朱珪醇厚秉資端嚴植品義探匡劉之與經術
淹通旨叅濂洛之精性功淵邃自昔蜚聲玉署荷殊
遇於

先皇校藝金鑿

鑿良材於大受始以青錢之選遂膺繡服之榮陳臬而三
法求情澤流楚甸開藩而六條察吏頌遍晉陽鎖院
歸來論思胥賴潛宮侍直納誨攸資闡史鑑之眞評
導詩文之正軌以古爲鏡其直如繩節凜靖恭班游
躋夫省署職勤敷厯任特重以封圻擁翠軸於皖城
節樓聲壯持碧幢於粵嶺幕府威嚴秩再厯於上台
望早隆於端揆迨朕勅幾親政特命馳傳還朝紫禁
迴翔丰度重瞻鬢髮黃扉簡任精誠益勵丹衷奏調
元贊化之功務持大體樹論道經邦之畧不負生平

口絕談錢三十載清風常接身如愛玉五十年微玷
全無至其珊瑚羅才金針選俊連膺文枋屢典禮閣
課芸館以培英士霑雨化掌槐廳而視事人仰冰衡
東壁南齋久趨陪於翰墨經筵史局謹記注於丹鉛
憶前春幸院聯吟領袖曾歌鮐背擬改歲登科選錄
笙簧再赴鹿鳴乃者因衰病之侵尋致劬躬之漸億
慮妨步履資筇節以扶攜命昇肩輿比蒲車之安適
勵葵心而罔斃勉力趨朝軫榆景以方賒養痾予假
疊遣診醫之使將循視疾之儀遺疏俄聞悼懷中摯
飾歛先加襚服助喪厚給帑金憶渠範於三天晉銜

年
卷一
三
太傅報馨香於奕葉入祀賢良賜醊躬臨瞻卹居而
密邇酌卮勅具肅皇子以代將誅什摘詞庶達凡筵
之聽親藩祖奠載摠紉緋之悲爰稽典以易名特旌
賢而表行諡之文正式備哀榮嗚呼卅年講習之勤
遽瞻箕尾旬日朝叅之隔倏感泉壚賁以絲言光茲
珉質永貽來裔勿替休嘉三月初三日奉

上諭朕展謁

西陵道經畿甸原任大學士朱珪之墓距蹕路數里追維
哲輔逝已三月瞻眺松阡中心愴惻著派侍郎英和
於本月初五日前往賜奠以達朕懷欽此十五日

高宗純皇帝實錄告成

皇上御殿受書禮成降

旨前大學士朱珪在館八年懋著勤慎著加恩賜祭壇伊長子朱錫經原任戶部郎中俟服滿後以四庫京堂用欽此七月十二日主人賢良祠

諭祭文曰經邦論道贊襄允賴乎耆臣稽典酬庸妥宜崇乎禋禮勒鼎銘而紀績已卓豐碑薦俎豆以虔重申異命榮施勿替懋典其承爾原任大學士珪植品端方秉姿醇厚湛深經術合漢宋爲一家雅文章儼天人之三策備古哲懋修之選迥越恒

荷

先皇特達之知謂堪大受爰自玉堂而拔萃遂膺繡服
巡方總憲外臺澤流楚甸開藩行省頌徧晉陽鎖鑰
歸來倍聲和而形正潛宮侍直資日就而月將闈
鑑之真評惟循古訓導詩文之正軌不涉時趨躋
歷省署華資專闡荷封圻重任清比皖江之水民
鏡中高齊粵嶺之雲威紆海表賢聲懋著玉節頻
碩望交推金甌佇卜朕勅幾親政馳召還朝掌六
於天官領三司於民部欽承

考志晉長官聯居鼎輔而庶事康摠

衡而百工

弗懈益輸葵藿之誠啟沃良多不負鹽梅之任屬
生之介節力絕苞苴成當代之完人身無瑕玷忠貞
納誨朝班時聽鳴騶儉素持躬聽事僅容旋馬至其
疊司文枋屢典禮闡樹桃李於公門琢璠璣爲國器
課芸館而楷模多士掌蓬壺而領袖羣仙侍講論於
經筵總編摩於冊府疊邀簡畀累積賢勞禮重杖屨
俾昇輿而代步情殷戀闕猶趨陛以陳謨緣衰病之
侵尋致劬躬之漸憊旣給養疴之假將循視疾之儀
遺疏俄聞悼懷中摯賜觴申奠給帑飾終錫銜特贈
崇階考行允苻顯諡哀榮式備秩祀攸隆於戲一生

敷歷之勤清風可挹迴憶朝叅之隔忠讜難聞式槩
館於三天報馨香於百世靈其來格歆此苾芬

右 先公年譜三卷錫經德薄學荒於 先公

居家立 朝大端不能仰窺萬一重以苦塊之

中昏瞶顛倒忍哀濡筆語更無次 先公平生

文行例得上入 國史下久苻於士論更無待

經之敘次以告 朝野伏讀 先公於乙丑年

九月二十七日夜雨自題摺稿云此嘉慶四年

己未正月自皖撫奉 詔入都陳奏之草七

年來亦可考其遇合之大概矣中間 召對

前席者不徵於書鈔寫遺落如庚申九月內

恩賜孫涂舉人謝摺外其遷除 賚子謝 恩誥

過月日可驗而知再徵諸逐年之詩稿他日可
爲年譜行實之據矣某老而貪寵竊祿人將求
多焉子孫或緣飾虛誕以欺天下後來可乎過
猶不及傳聞異詞此子之所懼也此編其弄謔
蓋先公爲人作碑誌不肯一字假借深懼經
等不能讀父書廢家法破文例以誣其親經不
肖不能仰承門範敢犯趨庭之所戒以自增罪
戾乎顧先公秉節所至經侍側時方弱冠不

知記錄稍長又以家事羈京邸未得常在左右
及居京邸時退朝後語不及公事經僅就聞
見所及敬謹撰述掛漏遺失自知自疚伏願
先公執友與海內立言君子進而教之以稍造
不孝罪不孝之子孫世世感且不朽

孤哀子錫經泣血稽顙率姪期服孫涂泣稽首述

賜進士出身 誥授光祿大夫兵部尙書前 經筵
講官 太子少保協辦大學士禮部尙書加一級
館後學長沙劉權之頓首拜填諱